

სიღრმისეული ინტერვიუს გზამკვლევი (რაოდენობრივ გამოკითხვამდე ჩასატარებელი ინტერვიუები)

[რესპონდენტების შერჩევის კრიტერიუმი: სტუდენტები, რომლებიც ამჟამად ან ადრე ცხოვრობდნენ სტუდენტურ საცხოვრებლებში და/ან ქირაობდნენ საცხოვრისს]

გამარჯობა, მე ვარ [სახელი და გვარი] და წარმოვადგენ საქართველოს საზოგადოებრივ საქმეთა ინსტიტუტს (GIPA). GIPA-ს კვლევითი პროექტების გრანტის ფარგლებში ჩვენ ვატარებთ კვლევას აკადემიურ მოსწრებაზე ხელმისაწვდომი საცხოვრისის გავლენის შესახებ. ჩვენ გვინდა, რომ სიღრმისეული ინტერვიუ ჩავატაროთ თქვენთან. ამ ინტერვიუს დროს რამდენიმე კითხვას დაგისვამთ იმ საკითხების შესახებ, რომლებიც კვლევის ამოცანებს უკავშირდება. პროექტის ფარგლებში შეგროვებული ინფორმაცია მხოლოდ კვლევითი მიზნებისთვის იქნება გამოყენებული. თქვენი პასუხები განცალკევებული იქნება ნებისმიერი ინფორმაციისგან, რის შედეგადაც თქვენი ვინაობის დადგენა შეუძლებელი იქნება. ინტერვიუების აუდიო ჩანაწერების მიხედვით მომზადდება ტრანსკრიპტები. თუმცა, წაიშლება ინტერვიუს დროს მიღებული ნებისმიერი ინფორმაცია, რომლის საშუალებითაც შესაძლებელი იქნება თქვენი იდენტიფიცირება. კვლევაში მონაწილეობა ნებაყოფლობითია და ინტერვიუს მიმდინარეობის ნებისმიერ ეტაპზე შეგიძლიათ შეწყვიტოთ ინტერვიუ.

ინტერვიუს ხანგრძლივობა დაახლოებით 1 საათი იქნება.

გმადლობთ, რომ დაგვთანხმდით კვლევაში მონაწილეობაზე.

1. შესავალი

1.1 გთხოვთ, მოკლედ მოგვიყვით თქვენს შესახებ; სად დაამთავრეთ სკოლა და სად სწავლობთ ამჟამად? რომელ წელს ჩააბარეთ?

1.1.2. გაქვთ თუ არა მოპოვებული დაფინანსების გრანტი? განსაზღვრა თუ არა ამან თქვენი არჩევანი ან გადაწყვეტილება?

1.2 რატომ გადაწყვეტით სხვა ქალაქში სწავლის გაგრძელება? [ჩაძიება: უკეთესი ხარისხის განათლება; უმაღლესის საგანმანათლებლო დაწესებულების არ არსებობა მშობლიურ დასახლებულ პუნქტში; სხვაგან ცხოვრების სურვილი; დამოუკიდებლად ცხოვრების სურვილი, სხვა მიზეზები]

- ონლაინ / დისტანციური სწავლის საშუალება, რომ გქონოდათ, თბილისში მაინც გადმოხვიდოდით თუ არა საცხოვრებლად? რას ფიქრობთ დისტანციურ სწავლებაზე? ჩაძიება - დამოუკიდებლად ცხოვრების სურვილი?

1.3 რა ძირითად გამოწვევებს აწყდებით ხოლმე უნივერსიტეტში სწავლების პარალელურად? [ჩაძიება: განათლების დაბალი ხარისხი, მოუწესრიგებელი ინფრასტრუქტურა, სწავლის გადასახადის სიძვირე, საცხოვრებელი ფართის სიძვირე; რთული გრაფიკი, სამსახურთან შეუთავსებლობა]

2. საცხოვრისის ხელმისაწვდომობა

2.1 სტუდენტად გახდომის შემდგომ რა ტიპის საცხოვრისში/ებში მოგიწიათ ცხოვრება? [ჩაძიება: ნათესავთან, საერთო საცხოვრებელში, ბინის ქირაობა ან გირავნობა, სხვა]

- ვისთან ერთად ცხოვრობთ: ოჯახთან, ნათესავთან, მეგობართან, პარტნიორთან, დიასახლისთან (.ე.წ “ხაზეიკასთან”) თუ დამოუკიდებლად?
- სტუდენტობის პერიოდში რამდენჯერ გამოიცვალეთ ბინა? რა გახდა ბინის გამოცვლის მიზეზი?

2.1.1. [თუ აქვს ნათესავთან ცხოვრების გამოცდილება] რამდენად მოსახერხებელია ნათესავთან ცხოვრება? რა არის ამის დადებითი და უარყოფითი მხარეები? [ჩაძიება: როგორ შეაფასებდით მთლიანობაში ასეთ გამოცდილება?]

2.2 რა იყო უმთავრესი მიზეზი თქვენი საცხოვრისის/საცხოვრისების არჩევის? [რამდენიმე საცხოვრისის შემთხვევაში, ისაუბრეთ თითოეულზე]

2.3 რამდენად მარტივი იყო საცხოვრებლის შერჩევა? რა ტიპის გამოწვევებს აწყდებოდით საცხოვრისის მოძიების დროს? [რამდენიმე საცხოვრისის შემთხვევაში, ისაუბრეთ თითოეულზე]

- რა დრო დახარჯეთ? რა რესურსები?

2.3.1. ვინ გეხმარებოდათ ამ გამოწვევების დაძლევაში? როგორ? [უნივერსიტეტის მხრიდან თუ იყო რაიმე ტიპის მხარდაჭერა, სერვისები ან ლექტორების დაინტერესება]. სხვა რაიმე სერვისი ხომ არ არსებობს, რაც ბინის მოძებნაში დაგეხმარა?

2.4 თქვენი გამოცდილებით, მარტივდება თუ რთულდება სტუდენტებისთვის საცხოვრისის მოძიება [თბილისში]? [ჩაძიება: დააკონკრეტეთ ბოლო 2 წლის პერიოდზე]

2.4.1. ამ კუთხით, როგორია თქვენი კურსელების, ახლობლების, მეგობრების გამოცდილება? საცხოვრებელთან დაკავშირებით რა პრობლემებს აწყდებიან ზოგადად სტუდენტები?

2.5. საცხოვრებელთან დაკავშირებით სტუდენტების საპროტესტო მოძრაობის შესახებ თუ გსმენიათ? თუ კი რა ინფორმაცია გაქვთ? უჭერთ თუ არა მხარს? თავად თუ ჩართულხართ რაიმე ტიპის აქტიუიზმში?

3. შემოსავალი და დასაქმება

3.1. როგორ ახერხებთ საცხოვრებლის ხარჯების დაფარვას? [ქირა/გირაო და ასევე კომუნალურები]

საიდან გაქვთ ყოველთვიური შემოსავალი? ყოველთვიური ჯიბის ფული?

3.1.1. თბილისში ცხოვრებისთვის ან სწავლის მიზნებისთვის თქვენ ან თქვენი ოჯახის წევრს სესხის აღება ხომ არ მოგიწიათ? - მევახშეს ან ლომბარდისთვის მიმართვა თუ დაგჭირვებიათ?

3.2 ხართ თუ არა დასაქმებული? [რა ტიპის სამუშაოა, [ანაზღაურებადი თუ აუნაზღაურებელი/სტაჟირება/მოხალისეობა], სწავლასთან თუ არის შეთავსებადი]

- როგორ იშოვებთ ეს სამსახური? [რა სირთულეებს გადააწყდით]

3.3. როგორ გავლენას ახდენს სწავლასთან ერთად მუშაობა თქვენს აკადემიურ მოსწრებაზე? [ჩაძიება: მცირე დრო სწავლაზე, გადაღლა სამსახურში, მძიმე სამუშაო პირობები, სხვა ფაქტორები]

3.3.1. რამდენად კავშირშია თქვენი ამჟამინდელი [ან ყოფილი სამუშაოები] იმ სფეროსთან, რომელსაც ეუფლებით უმაღლეს სასწავლებელში?

3.3.2 თქვენი აზრით, რამდენად ხდება თქვენი ხელშეწყობა, რომ ერთმანეთს შეუთავსოთ სწავლა და მუშაობა?

3.4. თუ არ ხართ დასაქმებული, ამჟამად ეძებთ თუ არა სამსახურს? [როგორ? სად? რა ტიპის?]

4. საცხოვრებელი პირობები

4.1. რამდენად გაკმაყოფილებთ თქვენი ამჟამინდელი საცხოვრისი პირობები? [ჩაძიება: ფასი, კომფორტულობა (საბაზისო და დამატებითი კეთილმოწყობა: მაგ. ცხელი და ცივი წყალი, გაზი, გათბობა, ტუალეტი და აბაზანა, საძინებელი, სამზარეულო, ტელევიზორი, ინტერნეტი), ადაპტირებული სწავლებისა და მეცადინეობისთვის, ადგილმდებარეობა, უსაფრთხოება, სხვა ფაქტორები: მაგ. ნესტი, ხმაური, იზოლაცია, მეზობლები]

4.1. კმაყოფილი ხართ თუ არა იმ უბნით, სადაც ცხოვრობთ? რატომ?

- ტრანსპორტი და უნივერსიტეტამდე მისასვლელი დრო/მანძილი?
- არის თუ არა მწვანე სივრცეები, მაღაზიები, სასაიდრეო, უსაფრთხო გარემო?

4.2 რის გაუმჯობესებას ისურვებდით თუ ვისაუბრებთ თქვენს ამჟამინდელ საცხოვრისზე?

4.2.1. რა გჭირდებათ და არ არის თქვენს ამჟამინდელ საცხოვრებელში?

4.3 რამდენად ხელისშემშლელი ან ხელშემწყობია ამჟამინდელი საცხოვრებელი თქვენი ამჟამინდელი საქმიანობისთვის [იგულისხმება ყველა სახის საქმიანობა: სწავლა, მუშაობა, გართობა, სოციალიზაცია]

4.4 ატარებენ თუ არა თქვენს საცხოვრებელში დროს თქვენი მეგობრები? სტუმრები? რას აკეთებთ ხოლმე მეგობრებთან ერთად ამ დროს?

5. საცხოვრისის ხელმისაწვდომობა და გავლენა ფიზიკურ და ფსიქიკურ ჯანმრთელობაზე

5.1 ბოლო სემესტრის განმავლობაში რამდენად კმაყოფილი ან უკმაყოფილო ხართ თქვენი სტუდენტური ცხოვრებით?

- თქვენივე შეფასებით, ახერხებთ თუ არა რომ ჯანსაღი ცხოვრების წესს მისდით? მაგალითად, ვარჯიში, სწორი კვება, სეირნობა] როგორ?
- თუ არა, რა გიშლით ხელს?

5.2 ბოლო სემესტრის შესახებ თუ იფიქრებთ, როგორ შეაფასებთ თქვენს ფიზიკურ ჯანმრთელობას? როგორ შეაფასებთ იგივე მონაკვეთში თქვენს ფსიქიკურ ჯანმრთელობას?

5.3 ბოლო სემესტრის განმავლობაში, ხომ არ გქონიათ ისეთი შემთხვევა, როდესაც გჭირდებოდათ სამედიცინო დახმარება და ეს ვერ მიიღეთ? რამდენად ხშირად მომხდარა ეს?

5.4 როგორ შეაფასებდით თქვენს ფსიქოლოგიურ მდგომარეობას მანამ, სანამ თქვენს ამჟამინდელ საცხოვრისში გადახვიდოდით?

5.5 რამდენად ინტერესდებიან პროფესორ-მასწავლებლები ან უნივერსიტეტის ადმინისტრაცია თქვენი ფიზიკური და მენტალური ჯანმრთელობის მდგომარეობით?

6. დასასრული

6.1 ჩვენი კვლევა ხელმისაწვდომი საცხოვრისისა და სტუდენტური ცხოვრების თემებს ეხება. დღეს განხილული თემების შემდგომ, ხომ არ გსურთ რამის დამატება, რაზეც ჯერ არ გვისაუბრია?

დასასრული